



# COMUNE DI PÀDRIA

ÀREA AMMINISTRATIVA - CONTÀBILE - SÒTZIU ASSISTENTZIALE  
UFÌTZIU DEMOGRÀFICOS E PROTOCOLLU  
Decretu N. 5 de su 18/11/2020

**Ogetu:** INDIVIDUATZIONE E NÒMINA DE SU SIG. CRISTIAN BUDRONI CALE RESPONSÀBILE DE S'UFÌTZIU ELETORALE COMUNALE.

## SU SÌNDIGU

### BIDOS:

- su D.P.R. 20.3.1967, n. 223 de aprovatzione de su testu ùnicu de sas leges pro sa disciplina de s'eletoradu ativu e pro su contivìgiu e sa revisione de sas listas elettorales, in su testu gasi comente mudadu, in parte, dae sa lege 21.12.2005, n. 270;
- s'art. 2, comma 30, de sa legge 24.12.2007, n. 244 chi at prevìdidu:
  - o su trasferimentu de sas cumpetènzias in matèria de contivìgiu e revisione de sas listas elettorales segundu su D.P.R. n. 223/1967 de sa Commissione elettorale comunale a su Responsàbile de s'Ufìtziu Eletorale Comunale;
  - o su mantenimentu in capu a sa Commissione elettorale comunale de sas cumpetènzias in matèria de contivìgiu e aggiornamentu de sas persones idòneas a s'ufìtziu de iscrutadore de sègiu e de nòmina de sos iscrutadores;
- sa tzirculare de su Ministèriu de s'Internu – Dipartimentu pro sos afares internos e territoriales n. 1/2008 in data 8/1/2008, cun sa cale benint frunidas indicatziones pro fatzilitare s'aplicatzione fata a tempus suo e puntuale de sas dispositziones cuntènnidas in s'art. 2 giai tzitadu, comma 30, de sa Lege n. 244/2007;

**ÀPIDU RIGUARDU** de s'art. 50 de su D. Lgs. n. 267/2000 “Cumpetènzias de su sùndigu e de su presidente de sa provìntzia” chi in sos commas suta indicados rètzitat: “comma 1. Su sùndigu e su presidente de sa provìntzia sunt sos òrganos responsàbiles de s'amministratzione de su comune e de sa provìntzia; co 3. Francu cantu prevìdidu dae s'artìculu 107 issos esèrtzitant sas funtziones atribuidas a issos dae sas leges, dae s'istatutu e dae sos regulamentos e contivìgiant puru s'acumprimentu de sas funtziones istatales e regionales atribuidas o delegadas a su comune e sa provìntzia; comma 10. Su sùndigu e su presidente de sa provìntzia nùmenant sos responsàbiles de sos ufìtzios e de sos servìtzios, atribuint e definint sos incàrrigos dirigenziales e cussos de collaboratzione esterna segundu sas modalidades e sos critèrios istabilidos dae sos artìculos 109 e 110, e puru dae sos istatutos e regulamentos comunales e provìntziales respetivos”;

**TORRADU A CRAMARE** s'art. 14 de su D. Lgs. n. 267/2000 “Còmputos de su comune pro servìtzios de cumpetènzia istatale” chi marcat: “1. Su comune gestit sos servìtzios elettorales, de istadu tzivile, de anàgrafe, de leva militare e de istatìstica. 2. Sas funtziones relativas sunt esertzidadas dae su sùndigu cale ufìtziale de su Governu, in cunforma a s'artìculu 54. 3. Àteras funtziones amministrativas pro servìtzios de cumpetènzia istatale podent èssere afidadas a sos comunes dae sa lege chi règulat puru sos raportos finantziàrios relativos, assigurende sas resursas netzessàrias;”

**LEADU ATU** de su dispostu segundu s'art. 54 D. Lgs. n. 267/2000 “Atributzione de su sùndigu in sas funtziones de cumpetènzia istatale”, in su comma 3 disponet chi “Su sùndigu, cale ufìtziale de su Governu, tenet contu, puru, de su contivìgiu de sos registros de istadu tzivile e de populatzione e a sos acumprimentos intregados dae sas leges in matèria elettorale, de leva militare e de istatìstica”;

**CUNSIDERADU** chi, in s' àmbitu de s' articulatzione organizativa comunale, sas funtziones in matèria elettorale sunt de cumpetèntzia de s' àrea “Amministrativa”, a in intro de sa cale est insertadu s' Ufitziu Eletorale, pro su cale sussistit sa netzessidade de protzèdere a s' individuatzione de unu dipendente a su cale atribuere s' acumprimentu de sas cumpetèntzias pròpias de su servìtziu in argumentu;

**APRETZIADU OPORTUNU** numenare cale “Responsàbile de s' Ufitziu Eletorale” su Sig. Budroni Cristian, dipendente de rolu de custu Ente assegnadu a s' Ufitziu Demogràficu, Amministrativu e Segreteria;

**RECONNÒSCHIDA** sa cumpetèntzia pròpia pro s' adozione de su provedimentu presente in cunforma a sas dispositziones normativas, regulamentares e istatutàrias in vigèntzia, cun riguardu particulare a su cumbinadu dispostu de sos artt. 14, comma 2 e 54, comma 3, de su D. Lgs. 267/2000 e mm.ii.ii., e puru de s' art. 3 de sa L. 1228/1954;

**INTESOS** su Segretàriu Comunale e sa Responsàbile de s' Àrea Amministrativa

### **DECRETAT**

**DE NUMENARE**, in cunforma e pro sos efetos de sa Lege n. 244/2007, su Sig. Budroni Cristian, dipendente de rolu de custu Ente, cale **RESPONSÀBILE DE S'UFITZIU ELETORALE COMUNALE** atribuende a su matessi totu sas funtziones prevididas dae sa lege;

### **DISPONET CHI**

- su Decretu presente, chi at efetu immediatu e finas a rèvoca, bèngiat sutapostu a sa firma de su dipendente interessadu;
- còpia siat trasmìtida a sa Prefetura – UTG de Tàtari;
- còpia siat notificada a s' interessadu e publicadu in s' Albu Pretòriu pro 15 dies a fila, e puru in sa setzione Amministratzione Trasparente de su situ istituzionale in cunforma a su D. Lgs. 33/2013.

**SU SÌNDIGU**  
Dot. Alessandro Mura

Traduzione de s' operadora de s' isportellu linguìsticu de Pàdria  
Maria Leonarda Correddu